



Aningaasaqarnermut Aatsitassanullu Naalakkersuisoq

Ulloq: 20. marts 2015
J.nr.: 01.31.06/15-00687

Aningaasaqarnermut Akileraartarnermullu Ataatsimiititaliap tallimangornermi ulloq 20. marts 2015-imi aalajangiineranik Naalakkersuisunut ilisimatitsineq.

Nuummi tarninut nakorsaqaqfiup illutaanut” aamma ”Dronning Ingridip Napparsimavissuani meeqqanut immikkoortortaqaqfimmuut” aningaasanik atugassanngortitsinissaq 01.31.06/15-00687.

Naalakkersuisut inassutigaat,

- “kontomi nutaami 80.00.80 Aningaasat suliniutinik aallartitsinissamut sillimmatit, aningaasaliissutit 1,5 mio. koruuninik ikilisinneqassasut aamma kontomi pingaarnermi 86.60.01 Peqqinnissaqaqfik, suliassamut nutaamut nr. 060.56.021 Nuummi tarninut nakorsaqaqfiup illutaa, aningaasaliissutit 0,1 mio. koruuninik amerlineqassasut aamma suliassamut nutaamut nr. 060.47.047 Dronning Ingridip Napparsimavissuani meeqqanut immikkoortortaqaqfik, aningaasaliissutit 0,5 mio. koruuninik amerlineqassasut.”

Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:

Iliusissaq ataatsimiititaliamit iluarisimaarneqarpoq. Ataatsimiititaliamit neriutiginneqarpoq suliniut ima annertussusilerneqarsimasoq pisariaqartitsinerup annertusisinnaanera ilanngullugu eqqarsaatigineqarsimalluni.

Aningaasaqarnermut Akileraartarnermullu ataatsimiititaliap aningaasaliissutissanut qinnuteqaammik matuminnga akuersinerani suliassat aallartinneqarsinnaalissapput, aammalu AIS2015-imut ilanngunneqarnissaat qinnuteqaatigineqassaaq, suliassanut imatut nassuiaaserneqarlutik:

” Nuuk

060.46.021

Nuummi tarninut nakorsaqaqfiup illutaa

Kalaallit Nunaanni tarninut nakorsaqaqfimmi avatangiisit naleqqukkunnaarsimapput. Immikkoortortaqaqfimmi avatangiisini immikkoortortami ammasumi init siniffillit arfiniliupput aammalu ungalusami pingasuullutik, taakkulu ikippallaarput. Ulikkaartillugu napparsimasut arlallit ineqatigiissinneqartariaqartarput.

Herstedvesterimi paarnaarussivimmi kalaallit pineqaatissinneqarsimasut angerlartinnissaannik pilersaaruteqaqarnermi, tarnikkut napparsimasut siniffiinik, ullumikkut avatangiisinit periarfissaqaqfiusunit isumannaannerusunik pisariaqartitsisoqarpoq.

Taamaattumik aningaasanik, suliassami nutaami sanaartornermut pilersaarusiornissamut, taamaalillunilu Peqqinnissaqaqfiup aamma Peqqissutsimut Naalakkersuisoqarfiup sanaartugassamut piumasaaqatinik

kissaatinillu ataqatigiissitsinissamut, kiisalu suliap ingerlanneqarnerani aningaasaqarnermut, piffissamut il.il. sinaakkusiinissap periarfissinneqarnissaannut atugassanik qinnuteqaateqartoqarpoq.

Matuma kinguliani ukiunut kisitsisitaliunneqartut innersuussutaapput, suliasmami aningaasaqarnermut sinaakkutissat tunngavissallu tamarmiusut ilisimaneqanngimmata.

Suliap aallartiffissaa: 2016

Atulerfissaa: 2018”

” **Nuuk**

060.47.047

DIN-imi meeqqanut immikkoortortaqaarfik; Nuuk

Meeqqanut immikkoortortaqaarfik atorneqartoq nakorsaasarnermi immikkoortortaqaarfiup isuanut inissitaavoq, taamaattumillu meeqqat ulluinnarni inersimasunut napparsimasorujussuarnut isaasinnaapput isersimaartarfeqatigalugillu. Tamanna meeqqanut avatangiisinik toqqissisimanartunik atorfissaqarti-taannik pilersitsinissamut akerliuvoq.

Tamatuma saniatigut meeqqat unitsinneqaraangamik angajoqqaamik ilaqartinneqartarput, taamaattumillu init marlunnik siniffilittut taaneqartartut sisamanik siniffeqartarput. Init uninngasarfiit killilimmut annertussuseqareermata, tamanna paaqqutarinninnermut eqqiaanermullu ajornartorsiortitsisarpoq.

Tamanna pissutigalugu meeqqat namminerisaminik toqqissisimanermik pilersitsiviusumik immikkoortortaqalernissaat, taamaallunilu meeqqat peqqissinissamut eqqissisimatinneqarnissaat inissaqartinneqarnissaallu annertuumik kissaatigineqarpoq.

Taamaattumik aningaasanik, suliasmami nutaami sanaartornermut pilersaarusiornissamut, taamaallunilu Peqqinnissaqaarfiup aamma Peqqissutsimut Naalakkersuisoqaarfiup sanaartugassamut piumasaaqatiniq kissaatinillu ataqatigiissitsinissamut, kiisalu suliap ingerlanneqarnerani aningaasaqarnermut, piffissamut il.il. sinaakkusiinissap periarfissinneqarnissaannut atugassanik qinnuteqaateqartoqarpoq.

Suliassaq naammassineqassappat, tarninut nakorsaqaarfiup suliassaq nr. 060.46.021 Nuummi tarninut nakorsaqaarfiup illutaa naapertorlugu illumut immikkoortumut nuunneqarnerani illu 1-imi init quleriit ataatsit atorunnaarneqarnissaat apeqqutaassaaq.

Matuma kinguliani ukiunut kisitsisitaliunneqartut innersuussutaapput, suliasmami aningaasaqarnermut sinaakkutissat tunngavissallu tamarmiusut ilisimaneqanngimmata.

Suliap aallartiffissaa: 2018

Atulerfissaa: 2019”

Aningaasaqarnermut Akileraartarnermullu Ataatsimiititaliap aalajangiinera

Siuliani allassimasutut oqaaseqaateqarluni Naalakkersuisut inassuteqaataat Aningaasaqarnermut Akileraartarnermullu Ataatsimiititaliamit **akuerineqarput.**

Ataatsimiititaliap sinnerlugu

Jens Immanuelson

Aningaasaqarnermut Akileraartarnermullu Ataatsimiititaliap siulittaasua